



## Հայտարարություն

### Հայաստանի ՔՀԿ-ների Կառուցողական Երկխոսության Ցանցի

2017 թվականի նոյեմբերին Հայաստանի Հանրապետության և Եվրոպական միության միջև կնքվեց համապարփակ և ընդլայնված գործընկերության համաձայնագիրը (ՀԸԳՀ):

Համաձայնագրի 366-րդ հոդվածի ուժով ստեղծվելու է քաղաքացիական հասարակության հարթակ, որը կծառայի որպես հանդիպումների և կարծիքների փոխանակման հարթակ և կազմված կլինի Եվրոպական միության քաղաքացիական հասարակության ներկայացուցիչներից, այդ թվում՝ Եվրոպական տնտեսական և սոցիալական հարցերով կոմիտեի անդամներից, և Հայաստանի Հանրապետության քաղաքացիական հասարակության կազմակերպությունների, ցանցերի և հարթակների ներկայացուցիչներից:

Հայաստանի ՔՀԿ-ների Կառուցողական Երկխոսության Ցանցը այս գործընթացում կարևորում է հատկապես այն սկզբունքների անշեղորեն պահպանումը, որով կձևավորվի քաղաքացիական հասարակության հարթակը, դրանք են՝ **թափանցիկությունը, ներառականությունը և ռոտացիայի սկզբունքները**: Անշուշտ, վերը թվարկված սկզբունքների նախատեսումը ինքնանպատակ չէ. դրանք ենթադրում են հարթակի ձևավորման գործընթացում ուժերի համախմբում և քաղաքացիական հասարակության կազմակերպությունների հիմնական դերակատարների մասնակցություն՝ համագործակցության և համերաշխության պայմաններում:

Հայաստանի ՔՀԿ-ների Կառուցողական Երկխոսության Ցանցը հայտ է ներկայացնում ակտիվորեն մասնակցելու և ընդգրկվելու ՀԸԳՀ շրջանակներում ձևավորվող քաղաքացիական հասարակության հարթակում, աջակցելու Արևելյան գործընկերության Հայաստանի ազգային պլատֆորմին՝ ստանձնելով հանձնառություն՝ ցուցաբերել փորձագիտական աջակցություն ՀԸԳՀ առանձին ոլորտներում հանրային քաղաքականությունների մշակման/բարելավման, դրանց հասարակական վերահսկողության իրականացման և գնահատման նպատակով:

### Հայաստանի ՔՀԿ-ների Կառուցողական Երկխոսության Ցանց կառավարման խորհուրդ

*«ՀամաՁարԿ» («Համայնքների զարգացման և մասնակցային կառավարման միավորում»)*  
կոալիցիա

*«Հայաստանի գյուղատնտեսական դաշինք»*

*ՔՀԿ-ները հանուն կայուն և թափանցիկ էներգետիկ զարգացման կոալիցիա*

*«Հայկական կրթական ցանց»*

*«Հայկական բիզնես կոալիցիա»*

*«Աջակցություն պրոբացիային» ազգային ցանց*

*«Հանուն հավասար իրավունքների» կոալիցիա*

*«Վիննեթ Հայաստան կանանց ռեսուրս կենտրոնների ցանց» կոալիցիա*

*Հաշմանդամություն ունեցող երեխաների հիմնախնդիրներով զբավող միջմարզային կոալիցիա*

*Հայաստանի ՔՀԿ-ների հակակոռուպցիոն կոալիցիա*

*Աշխատողների իրավունքների պաշտպանության հասարակական կոալիցիա*

*Հայաստանում սոցիալական գովազդի ինստիտուցիոնալ կայացման ու զարգացմանն ուղղված ՔՀԿ-ների կոալիցիա*

*ՀՀ-ում տեղական ինքնակառավարման համակարգի զարգացմանը և տեղական ժողովրդավարության ամրապնդմանն ուղղված կոալիցիա*

*Բազմաշահագրգիռ սոցիալական պաշտպանության ցանց*

***Իրավաբանների հայկական ասոցիացիա՝ Ցանցի քարտուղարությունը իրականացնող կազմակերպություն***

Սույն հայտարարությունը ընդունվել է Հայաստանի ՔՀԿ-ների Կառուցողական Երկխոսության Ցանց կառավարման խորհրդի հեռավար եղանակով գումարած նիստում՝ 2020 թվականի մարտի 19-20-ին:

\*\*\*

*Ծանոթագրություն:*

*Հայաստանի ՔՀԿ-ների Կառուցողական Երկխոսության Ցանցը ստեղծվել է 2019 թվականի փետրվարին Եվրոպական միության կողմից ֆինանսավորված ամենամեծ ծրագրերից մեկի՝ «Կառուցողական երկխոսության հանձնառություն» ծրագրի շրջանակներում (<https://ccd.armia.am/>): Ցանցը ներկայումս միավորում է 14 ոլորտային կոալիցիաների՝ շուրջ 250 ՔՀԿ-ների անդամությամբ: Նշված Կոալիցիաները ներկայացնում են տարբեր ոլորտներ, ինչպես օրինակ՝ արդարադատություն, մարդու իրավունքներ, էներգետիկա, գյուղատնտեսության, հանրային ֆինանսների կառավարում, տնտեսություն, բիզնես և այլն:*